



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**VITA || D. MARIÆ VIR-||GINIS DEIQVE GE-||NITRICIS.||**

**Goppelsrieder, Andreas**


**Ingolstadii, 1592**

**VD16 G 2663**

Capvt. III. De Nativitate B. Virginis.

**urn:nbn:de:hbz:466:1-45013**

solis ortu vsque ad occasum, laudabile  
fuit nomen Beatissimę Virginis Marię.



## CAPVT. III.

## DE NATIUITATE

*B. Virginis.*

ANNA post cōceptionē mē-  
se nono, filiam sanctā, ab  
æterno ordinatam, in pa-  
radiso promissam, priscis  
patribus desideratam, sæculis multis  
expectatam, suę virtutis constantisq;  
pietatis fructum & præmium amplif-  
simum, vniuerso orbi læta in lucem,  
non sine miraculo edidit.

Prouerb. 84  
Genes. 3.  
Isaie 6. & 12  
Ierem. 31.  
Ezech. 44.

Nata fuit vt Cæsar Baronius *a* col-  
ligit, Anno ab vrbe condita 737. Augu. *a* Cæsar  
sti Imperatoris à Triumviratu. 26. O- Baron, tom.  
lympiade. 190. anno 3. consulibus Fur- 1, annal.  
nio Nepote & Iunio Silano, Nazare-  
thi Galileę, in ædium Ioachimi & An-  
næ parentum domicilio eo, quod post  
Christi in cœlos ascensionem (quic-  
quid Paulus Vergeri<sup>o</sup> in suo ea de re im-  
pic

pie edito tractatu obganniat) ob singularia in eo peracta mysteria, ab Apostolis, sanctis vsibus dedicatum, Eucharistiæ sacrificijs ab illis oblatis nobilitatum, & eiusdem Virginis imagine à D. Luca Euangelista affabre depicta, decoratum fuit, & Laureti in hunc vsq; diem, magna religionis & pietatis significatione, miraculorumque patratione, celeberrimum in orbe est.

In lucem sancte suscepta, Mariæ nomen, Angeli præscriptione accepit, & recte; *b* nam si vis verbi spectanda est, Maria Syro sermone Dominam, Hebraice stellam maris significat, & Sacrosancta Virgo totius mundi Dominum & lucem seculis meruit generare perennem.

Porro gaudium natiuitas illa sancta mundo nunciavit vniuerso, totam illustravit Ecclesiam. Quare diem eius natalem lætitia celebri & celebritate læta, aduersante licet Luthero, *c* festiue quotannis veneratur. Diem vero huius Natiuitatis festum antiquum esse, Petrus Damianus, *d* & ante eum D. Gregorius *e* luculenter testantur; Ad

*b* Hier. lib. de nom. Heb. Epiph. serm. de laud. Vir. Chrysol. ser. 145.

Damasc. lib. 4. fid. Ortho. cap. 15. Bed. Hom. in festo Annunc.


*c* Circa Evangelii festo Natiuitatis Mariæ. Et in lib. de pijs caeremon. obseruand.

*d* In 3. ser. de eo festo.

*e* In Antiph. & Sacram.

Adquem magna lætitia celebrandum  
 his verbis nos inuitat Sergius Hiera-  
 politanus: *In hac festa cēlebriq̄ luce* Apud Ca-  
*resonemus spiritali cithara: Nā quæ* nis. lib. 1.  
*præsenti die ex Davidico semine nasci-* cap. 11.  
*tur, vitæ Mater est, tenebrarū expul-*  
*trix, Adæ reparatrix Eux reuocatrix,*  
*immortalitatis fons, corruptionis inte-*  
*ritus ac liberatio, per quā nos quidem*  
*in diuinæ naturæ participationē tran-*  
*slati sumus, atq̄ a morte ipsa liberati,*  
*acclamemus ipsi omnes fideles cum Ga-*  
*briele: Ave gratia plena, Dominus*  
*tecum, qui nobis per te suam magnam*  
*largitur misericordiam. Adeste omnes*  
*fideles. Ad hanc curramus Virginem.*  
*Ecce enim nascitur, quæ ante ortū Ma-*  
*ter DEI nostri præordinata est, Virgi-*  
*nitatis decus unicum, Virga Aaronis*  
*germinans, ex radice Iesse, prophetarū*  
*præconiū, iustorumq̄ Ioachimi & An-*  
*næ Soboles. Nascitur ergo & cū illa pa-*  
*riter mūdus renouatur. Nascitur et Ec-*  
*clesia, suoq̄ ipsius decore circumdatur*  
*atq̄ ornatur templum sanctū, recepta-*  
*culum diuinitatis, organum virgi-*  
*nale, regius Thalamus, in quo admi-*  
 ran-

randum illud mysterium unionis naturarum in Christo ineffabili modo inter se coeuntium perfectum est. Hunc proinde Christum adorantes omnium reprehensionis experte immaculatæ Virginis Natiuitatem hoc elogio celeberrimus: Natiuitas tua DEI genitrix gaudium annunciauit uniuerso mundo.



CAPVT. IIII.  
DE PRÆSENTATIONE D. Virg.

Niceph. lib. 1. Eccl. hist. cap. 7. Metaphrast. de ortu & educat. Deisp. Cedren. in comp. hist. 2. Cent. 1. 1. cap. 10. Euod. apud Niceph. hist. lib. 2. cap. 3. Greg. Nyss. orat. de S. Christ nat. Io. Damasc. lib. 4. de Ortho. fid. cap. 15. Germanus Episc. Constantin. & Gregorius Nicomed. ser. de præf. Andreas Cretensis & alij.



RIENNII spatium vix dū puella sacratissima in domo paterna exegerat, cum (vt veneranda antiquitas testatur, a Centuriatorūque adeo, sicut & aliorum eiusdem non farinae, sed furis hæreticorum, prophanas nouitates condemnat) à parentibus in templum Hierosolymitanū, vt Deo eiusque tēporis Sacerdotib⁹ ex voto offerretur, solenniter & reuerenter adducta fuit.

Sacer-